

Arzuhal yazılmak için Varakadır

Kıymeti otuz paradır

Mâruz-ı Çaker-i kemineleridirki

Kayseriye Kuralarından İsbıdın karyesi sakinelerinden kerimem cariyeleri ahar kimesneye akd-u nikahlı olduğu halde bundan akdemce karye-i mezbur sakinlerinden liva-i mezburda asakir-i zabtiye yüzbaşısı Bulunan hacı Ahmed ağa, bir takım eşkiyaları kendisine celb ederek kerimem mezbureyi cebren derdest Ve Yozgata karar eylediğine mebni yozgad valisi esbak devletlü Ali Rıza paşa zamanında bu hususda muhakeme olunarak merkum hacı ahmed bazı taraftan vaki olunan istishabdan (istihrabdan) dolayı zevci evvelinden bi't- tefrik merkum hacı ahmed oğlu akd-u tezevvüc olunub bir güne dava ve niza'ı kalmamış isede merkum hacı ahmed bu hususda ben bu kadar rahnedâr oldum diyerek refikaları bulunan eşkiya merkumlar ile sarkıntılık edib yüzbin kuruştan müteceviz mesarifatımı alırım diyerek daima iz'âc tahvife ve su-i kasd eftarlarına sayışarak emniyet-i acizanem meslub olduğu Muhât ilm û vekalet penahileri buyruldukda merkumun bi'vech-i şer'i te'addiyatı vakası men'i ve temin olunarak sıhhati halin ba mazbata dersadete bildirilmesi lüzumu şamil yozgad mutasarrıfı saadetlü paşaya Hitaben bir kıta emirname-i sami inayet ve ihsan babında emr-u ferman hazret-i men lehül emrindir

Fi 19 saferü'l hayr 1278

mezbur İsbıdın karyesi

hanedanından hacı şaban kulları